

○對於各學生保助會之意見

虛無氏

一國之興旺與否。每關於教育事業之盛衰。教育事業而盛。則國民大多數得受教育之澤。而人才衆多。人才多。則其國日以興旺。反是。則其國日以衰頹。此自然之理也。

我國素稱貧國。國家則經濟支絀。不能多建立學校。以教育國民。國民則亦貧困交加。無力足以供學習。故舉國有學校之地方甚少。而無學校之地方甚多。得受教育之民甚少。而不得受教育之民甚多。吾人盱衡世界。復回首祖邦。覺我國教育界尚在黑暗裏面。雲愁雨慘。黯淡無光。噫。生而爲越南人。其不幸爲何如矣。生而爲今日之越南人。其不幸又何如矣。

所幸者。我國民多已醒悟。知教育之不興。則無論何種功業均無從著手。於是羣注意於保助。蓋義舉也。夫金錢之所以可貴者。以其知所用也。非然。則縱有千百萬之富。亦無何等價值。吾儕豈不嘗見富者。視一錢爲命。貴者。刮盡世間地皮。厚積以貽子孫。然纔棺轉瞬。已掃地無餘。子孫流落。而爲無賴兒者。蓋不知凡幾。其不知善用。而無價值。一至於此。今皆知用之於公益。爲國民教育。國家進化前途。謀金錢之真價值。寧復有大於是。富貴者之所以爲國人馨香頂祝者。寧復有大於是。我國遊學保助會之創立。亦已數見。然少見有何效果。其原因有二。一者。遴選學生。多不得不其當。以致會員之離心。一者。學生不得其人。故其結果。學業一成。即爲利已計。學會前途無有念及之者。此所以雖有何等義舉。亦難發達。而令一般熱心公益者。爲之灰心斷念也。

今有數保助會。現方從事組織。吾聞之喜懼交并。喜我國民進化前途。將於是乎賴。懼者。懼有踵前各會之覆轍。以令有心者。益爲之灰心斷念也。

吾今願爲組織各保助會諸有志者進一忠告。

夫諸公已知積金錢子孫未必能用。積書子孫未必能讀。積衣服子孫未必能穿。積珠寶子孫未必能帶。乃將所有金錢出而爲國民教育國家進化前途謀。則其組織不可不詳。選擇學生不可不精。而其重要點則在於有一種精神。精神者何。有定識。有毅力。有公心而已。三者若缺其一。吾知復爲前各保助會之續耳。

何謂組織須詳。凡立會之得有佳結果與否。多在於組織。其進行方法。維持機關。須詳爲之計。然後可望有利而無弊。所以組織須詳。

何謂選擇須精。學生之遴選。若不得其人。則保助終無結果。而令一般會員生失望之心。會之前途難望其有興旺之日。而天下事不盛則衰。已不日見興旺。則其退步者可立而俟。此所以選擇須精。然能行上兩者而能有效。全賴於有定識。有毅力。有公心而已。茲可細論如下。

凡行一事。須統計全局之利害。結果之佳否。自己識力已定。自然合眼放步而行。不可因一二。指察議論。小小團體之評判。而變換其意見。莫知所從。違此爲有定識。識力已定。然後可見諸事而爲實行事。已實行。則非是徒有高深之理想而不可見諸用也。

雖然天下事變難於一定。凡已起一動力。即有一反動力隨之。而爲之窒礙。已有窒礙。事便難行。於此之時。非有毅力以當之不可。夫已有毅力。則可以排萬難。拒反響。譬之金鋼百鍊。一毫莫屈。譬之一夫當關。萬人莫敵。獨來獨往。何事不可爲。何所爲而不達到目的。行事之與毅力。其所相需之殷有如此。此非然則一。有阻力。便已退縮。改絃易轍。唯恐不及。安望其有達到目的之一日乎。

有定識有毅力見之行事可必其有效然在行事上之道德而論又要其有公心也夫合資以爲保助者所以爲俊秀而貧困之學生謀教育之方法耳則凡俊秀而貧困者無所謂親無所謂疎皆宜公心使之得受保助之益而有成立之一日至於凡有資本的子弟不必復行補助子曰君子周急不繼富此之謂也不然則未免不與立會之初意相反而失衆望也

定識毅力公心具此三者今日各保助會之真精神盡在此矣會事之進行何難望其發達哉

余更有進者保助會之成立非僅在一時亦非是少數人所能維持故會事之對與被保助之須有相當之條件然後始能求其長久學生之對於本會亦須擔相當之義務然後始望會事之成旺條件如何保助會之對於受補助之學生須立一必要之條件凡已卒業者須陸續以義務捐助相當之資金於本會以爲將來之擴張又須終身對於本會盡其所當爲之義務以保助將來之子弟凡不承認此種條件者本會無保助之必要而學生對於保助會之義務亦不可不深知而自反也夫自家之貧乏無資足以供學費於此有一團體捐助以供之此種學費乃集公衆之血汗供自家一人之修學則一生對於將來之子弟亦須盡相當之義務如公衆之對於自己者苟非如此便是無良心無人格之學生保助會亦何必助此無益於社會之人物爲也

余嘗見一般人曾受保助會之供給以成學業學業既成之後對於保助會視如路人只專謀一己之私利毫不念及前此曾受大多數人之血汗始能成立者頗又聞人有談及保助會則勃然變色以爲恥辱似自謂現在之富貴如此不欲聞人談及貧困仰給於人之時代又對於從前捐金以助

給之人。又以富貴自驕。其可惡爲何如也。余謂此種忘本之學生。自私自利之學生。凡立保助者宜嚴斥之。以絕社會之蠹。組織不可不詳。選擇不可不精。以此之故也。

又所謂保助會者。由於公衆之組織。凡有義氣者。皆樂於入會。以謀公益。皆出於個人之所樂。爲非能以何種勢力。強人入會。以刮金錢者。現聞某保助會之成立。乃有以官僚勢力。公然向鄉村富豪強迫入會。以慈善之事業。而爲政治之行動。鄉村之富豪。不免爲本處官吏之所漁肉。此種行爲。非唯玷辱保助會之面目。頗又適足以飽貪官污吏之私囊。其爲社會之害。莫有大於此也。吾輩言論家。對於此種行爲。決然當爲社會鳴鼓而攻。而無所容赦者也。吾願握保助會之主權者。宜深思而改良之。勿可犯衆怒。以得罪於天下也。

要之。保助會之能永久成立。有益於公衆。有裨於國家。全在於上之所述組織。詳選擇。精。又勿以政治之行動。勒人入會。三者完全。會事之發達。可指日而待。吾對於有責任。殊深有所希望。而馨香祝之也。願其思之。社會之大幸也。

非然者。今日立一保助會。明日立一保助會。甲黨立一保助會。乙黨立一保助會。徒爲少數私孽。實權利之機關。徒爲諸不良學生利己之階級。對於人羣無公共之行爲。對於社會無久長之計畫。所謂保助者。乃所以保助世間之不良份子。而人心遂生疑貳。令後來者有正當之團體。起而組織。何會。有關要之機會。起而組織。何會。人人將以鼻拒之。曰。此某某保助會之續耳。此某某派人之行動耳。則豈非組織保助會者之不善爲之謀。而階之厲哉。吾願組織保助會者。其深思之。勿令國人有灰心斷念之一日也。

◎西山朝政令攷

○光中皇帝卽位詔

朕惟五帝易姓而受命三王乘時而啓運道有遷革時惟變通聖人奉若天道以君國子民其義一也我越自丁黎李陳肇建有國以至于今聖作明興不是一姓然而廢興修短期運實天所授非夫人之所能爲也向者黎家失柄鄭氏與舊阮分疆二百餘年綱疇紊亂共主徒擁虛器私家自私封殖天經地維一墜而不振未有甚於此時也加之近時以來南北構兵民墜塗炭朕以西山布衣不階尺土初無黃屋之志因人心厭亂欲得明主以濟世安民於是集合義旅藍樓以啓山林大兄馳驅戎馬肇我邦于西土南定暹羅高綿之屬遂克富春取昇龍本欲掃除亂略拯民於水火之中然後還國黎民歸地大兄逍遙繡裳赤鳥之遊觀兩地之驩虞而已而世故推移不得如其志朕再植黎氏黎嗣君失守社稷去國奔亡北河士民不以黎之宗姓爲歸繫朕是賴大兄義倦于勤願取歸仁一府降稱西王南服數千里之地盡屬於朕朕自惟才涼德薄不逮古人而土地如此其廣人民如此其衆靜思統攝凜乎若朽索之御六馬乃諸文武將士內外臣僚咸願朕早正位號以繫屬人心上章勸進至于再三金表推崇不謀同辭夫以神器至重天位惟艱朕誠慮不能堪而四卽天子位改元爲光中元年咨爾百姓萬民惟皇極之敷言是訓是行仁義中正人道之大端朕今與民更始奉前聖之明謨以治教天下一十三道各處地方今年冬務租庸調赦十分之五其經被兵火彫殘聽分知官勘寢盡行蠲免一舊朝臣民或沿事玷累經被重論除大逆不道等罪其餘一皆寬赦一百神淫祠革去祀典其忠臣孝子義婦經累朝褒封者並賜登秩一舊朝文武員弁或由

從亡逃避。並聽回鄉貫。其不願仕進者。聽行所志。一南河北河民間衣服。並許從俗。唯朝衣朝冠。一遵新製於戲。天佑下民。作之君作之師。惟其克相上帝。寵綏四方。朕撫有天下。相與偕之大道。納之春臺。爾臣庶各安職業。無蹈匪彝。有官者興濟濟之風。爲氓者固熙熙之俗。治教興行。躋于至順。以挽五帝三王之盛。衍宗社無疆之休。顧不偉哉。

景盛皇帝試士詔

詔北城四鎮外鎮士人等欽知。朕聞科舉之設。所以賓興賢能。鄉試會試。歷朝行之已久。得人之效。歷歷可觀。我國家應天啓運。文治恢張。先朝審定伊始。已經開科取士。但事猶草創。品式未詳。朕銳意求賢。思恢治化。奈因太師裴得宣專權亂政。事不稽古。近日詔下。各處試士。只用經義文策二期。取中者謂之俊士。剽竊古義。不合時宜。茲裴得宣爲朝臣所劾。已罷其政權。凡前事率意妄爲。一皆停罷。再加作新釐整。特詔頒下。今年秋開鄉試。科試法一遵古制。以經義四六詩賦文策取士。預中三期者。謂之生徒。連中四期者。謂之鄉貢。其提調監試監攷覆考初考。及內場外場體例。北城四鎮。各照舊制施行。其鄉試士人。係舊朝鄉貢。已經己酉科應點應務者。並應免試。其舊生徒與學生。並同入試。士人應試者。試卷納在各處督學官奉收類簿。納在試院官。至期許士人入場應試。其各縣各處先期攷核。並應酌免。以廣招延之路。至明年春開會試。科特頒禮部官分爲三選。廣順二處選在京。清乂二處選在永營。四鎮外鎮合選在北城中。選者謂之禮部進士。禮部經引所中進士。入庭試。賜甲乙有差。嗣後鄉試三年一科。依如古制。爾多士等宜體承休德。各思砥礪灌磨文體。貴在純渾。勿以浮華相尚。期于淹博。無以尋摘爲能。庶幾經濟實學。咸在登庸。以資國家之用。欽哉特詔。

文苑

西山朝名流詩叢

◎星槎紀行 瑞岩侯潘輝益著

〔註〕時潘侯使華。沿途吟詠。集成帙。名曰星槎紀行。

出關

四月十五日已刻啓關。奉詣昭德臺行禮。督撫提

鎮列憲率道臺府縣諸員接護上程。騎乘旌旗。

震耀山谷。

昭德臺中叙主賓。滿山旗蓋護征塵。鄰交創始。

衣裳會詞命。闢由翰墨臣。鄉國盼回拋別思。林
巒興到動吟神。扶搖九萬鵬。風健諮詢度。初程眼
界新。

★花山兵馬

山在寧明江口。石壁臨流。赤色如丹塗。

隱然有人馬旗劍之狀。相傳黃巢賊陣現
形于此。

崔嵬峭壁瞰晴瀾。人馬依依一色丹。雨積苔膚
侵畫甲。風將波影動雕鞍。化工物色留奇蹟。荒

疑難。

○經五險灘

橫州江中石根攢列十五里。灘聲如雷。舟

人沿石而行。極力撐持。篙櫓最難。俗稱
險地。時乘潦順放輕舟。頃刻過險。伏波

將軍祠在龍門。稔著靈應。

怪石嵯峨碧浪中。飛湍吼動半江風。掛蛇轉兔
灘。名異捲霧吞烟水。勢雄旅路傳聞穿峻峽。使
華乘便泛征篷。岸頭遺廟惹高永勤事追懷。

鑠翁。

○和答武工部

偕我華原駕駱駒。江山到處總如春。人生際遇多。非意君子交遊久必
親。此去險夷驚客路。本來忠信壯吾身。周諮且

喜聯觴詠華國文章著力鉤。

▲蒼梧江次

三江帆檝倚城隅。嶺外繁華第一州。荒野傳聞虞舜狩。暮雲想像呂仙遊。
賓儀廳署交迎送。國體牋章重應酬。名蹟未繇尋。八景江船忙向水東流。

○赴廣城公館 粵東繁麗五羊城。紋綺盈街送客行。旗揭制臺知帥令。碑傳貢院炳文

衡褒嘉荐荷宸綸重款晤分教旅悶清蒲飲留。

賓攀戀久薰風度嶺伴華程。

◎望趙武帝祠

祠在廣城之北

五嶺南來啓

霸圖指揮甌貉隸番禺故知皇帝賢天子寧禁

蠻夷長老夫史統莫將塵簡牒孫謀豈意送寰

區英聲千古留遺意塵邑高標趙越都

▲省會設餞日恭值先姊諱辰又奉先考

夏祭禮早起感作

滿城歡宴送征輪遊子鄉心倍感辰三十年來

萱室夢九千里外練衰人未能塵滴酬先澤最

是萍蓬愧此身南極曉雲凝盼久瓊筵不禁客

眉顰

●遊觀音岩江口空岩綠逕深嵯峨棧

閣奉觀音龕燈隙照穿雲寶碑篆苔封倚石陰

峒裏乾坤無俗跡簾前水月卽禪心清幽標出

方壺境挽住征艎訪梵林

★題飛來寺山閣疎鍾落水隈祥光繚繞梵王臺瀑泉疑出星河水飛寺聞從午夜雷

地勝高標甌粵外禪宗上遡達摩來躋攀預演

參朝禮萬歲爐前肅奉陪

◎書懷柬段翰林二十年前莫逆交世

途更歷幾風濤塵纓似我輸先著花塢非君負故巢作客還差三士重同盟且讓一人高歸來早覓休閒計未必園林肯解嘲

●踰梅嶺興志傳聞大庾梅諮詢遙擁使星來

瘞根葱蔚岩腰翠寒磴峩石壁苔林壑涼飄猿叫晚海天渺望雁飛回曲江風雨

千古流澤人思此路開

●舟經吉水挽文丞相

晚宋生賢多吉水吾儒完節有文山狀元宰相綱常重坡嶺臯亭事勢難青汗不妨留義烈黃冠非苟願安閒孤忠昭揭乾坤大波浪中人一

●題滕王閣
巍峩層簷瞰碧流。序文燦爛斗光浮。江山盡屬神童筆。今古猶傳帝子樓。
隔岸輪輿遙柳驛。滿城廳廨萃華州。星槎豈必憑風便。偶續鳴鸞佩玉遊。

▲贈戴狀元
海邦騏駕入中原。人世星鳳見狀元。蘭寺何能賡藻句。玉堂無忝演綸言。
近瞻笑盼欽賢達。早把風猷沐寵恩。邀幸識韓增。慨慕塵談猶是挹餘溫。

●江西早起
轉閱山溪引客程。豫章東岸馬蹄輕。秋莊觀駕絲綸出。驛使郵傳晝夜并。
街肆住時孚衆見。碑坊過處考殊旌。賢勞更覓詢。詰樂身向圖書地。軸行。

★和贈九江城館主貢生呂肇祥

滿室芝蘭見善居。清芳養得此心虛。會風月趣懸帽帖。求聖賢言掛架書。拔貢稍酬經學素。接賓偏戀筆談餘。潯陽雨夜逢詩陣。真好令人思爽如。

○渡潯陽江望琵琶亭
名娃珠滴送銀箏。憑寄青衫倚棹聽。淪落天涯同感慨。徘徊月夜有歌行。九江烟水多遷客。千古風流獨短亭。芳草渡頭征思渺。舟人挑撥二絃聲。

▲書懷答武工部
徒倚征輿百感交。松風夾道響奔濤。忘機那似鷗眠渚。浼俗寧非借巢物。態莫窮雲變幻。鄉心空對月孤高。客程烟霧催人老。鏡裏花鬢影亦嘲。

●晚遊陂仙亭
傍城山閣瞰迴汀。詢道坡仙赤鼻亭。儼雅遺容留峭壁。焜華古賦耀方屏。不緣奮筆嘲金菊。安得浮舟載綠。○緬想秋宵吟賞地。江風山月醉還醒。

◎亭下偶感

豪曠曾希赤壁翁。清遊譜入綺羅叢。扣舷逸韻歌唉爽。洗盡高懷舞袖工。世變十年隳樂教。使華萬里訪仙踪。山亭眺到秋雲暮。忽記浮生雪上鴻。

●今詩摘錄

△潦雨卽事

南定廉園

其一 夏禾今歲損三成。秋雨如今又不停。樂水何妨逢小潦。生涯最苦是窮氓。手無網罟爭魚利。飯雜葵藜白鶴形。鄰轄驚聞堤患急。噭噭鴻雁總關情。

其二 歸田有客驗凶豐。去歲今年大不同。一雨平添三尺水。五更迸起八方風。游魚掉尾方塘外。詩客低頭陋屋中。鄰里往來相問訊。除非船筏不爲功。

其三 炊煙漠漠水茫茫。欲訪鄰翁無野航。居不

窮山仍裹足。客非涉洧更牽裳。村墟寥落禾興少。市井蕭條米價昂。自笑狂吟太無味。不知何術補年荒。

其四 覓句行吟小院西。忽聞鄰省潰河堤。農夫

誰不淚如雨。秋麥遙憐綠漸齊。防水業經無善策。釀金宜急賑災黎。仙龍族類相親愛。且勿支吾了問題。

鯉溪鄧武助

★戒賭

人生天地間。功業皆自做。不爲士與農。則爲工與賈。百藝好隨身。四害莫如賭。一入賭博場。瀟灑忘家業。阿堵人品無尊卑。布韋等袂袴交游。儂薄兒誑騙守錢虜。揮霍謾誇豪貪客。竟招妬攘臂角。脣顫胞一誤莫再誤。少壯能幾時。光陰等閒度。胡不購奇書。文章游藝圃。胡不服農田。林藪開荒鹵。胡不興工廠。技巧日進步。胡不集商船。重洋思競渡。放眼寰海濱。滾滾風潮鼓。利市世爭趨。財源人共覩。商會晨鬧鐘。演壇暮鳴鼓。弩力著先鞭。同心堅主樞。奇貨會五洲。大業足千古。寄語渴賭君。回頭登覺路。

◎閱中國現代戰史感作

專制冰消唱共和。共和何事又操戈。戰鋒雲起徒爭鹿。國勢瓜分笑畫蛇。長使生靈罹浩刦。不知天下屬誰家。憂辰憫世知何補。空對新亭感慨多。

南北紛紛釀戰爭。同胞何事太無情。但聞民族嗟塗炭。未見天心欲治平。愛國有心成誤國。弭兵無術枉談兵。可憐最古文明國。歐美旁觀肆品評。

▲追悼孫逸仙

排滿何年革命軍。共和功首共推君。人權辨說堪千古。民國安危此一身。華表鶴歸雲黯黯。中原虎翻日紛紛。哀君半爲當時局。我爲蒼生洒淚頻。

◎有所贈

人於傾蓋訂同心。千古交情意氣深。寰海文章開學界。名山著述繫儒林。周烏未止誰家屋。越

鳥猶啼故國音。喚醒漫漫長夜夢。南風時復奏虞琴。

▲新體詩

我昨夜夢入幽谷。——聽子規在百合叢中泣血。——我昨夜夢登高峯。——見一顆光明淚自天墜落。

說宇宙是無情的機械。——爲甚明燈似火。——閃耀在前。——說造化是真善美之表現。——爲甚五彩虹不常住天邊。

樹影傾斜。夕陽西下。——遊子思家。望遍天涯。——只見那淡淡紅霞。——一片片如錦如畫。還有那若隱若見的青山。——映著兩眼。——望不斷底芳草。與那小橋。——流水。——人家。——參差上下。——說不盡燦爛光華。——又聽得一羣一羣的飛鳥。——彷彿斷續說。——遠行人呵。——大丈夫天下。——爲家。——問你有甚麼牽掛。——歸去罷。

●筆墨餘痕

★深沉——退怯——勇敢——浮躁。

當世局新舊之交。國運變遷之會。人心渙散。事故橫生。清議不興。濁流泛濫。甲笑乙曰浮躁而自命爲深沉。丙訾丁曰退怯而自稱爲勇敢。善惡不分。是非莫辨。其爲世道人心之害。尚可言耶。夫浮躁云者。不知理之是非。事之成敗。妄言妄動。而無一毫知識。嘵嘵自命曰勇敢。莫吾若也。往往見有辦事持重。聲色不動的人。便目之爲退怯。訾之笑之初。不知事勢之如何。手續之如何。只見人與已不同。排謗了一回。藉以快口。此非所謂愚而好自任耶。

退怯云者。雖或有知理之是非。事之可否。但因畏首畏尾。而無一毫勇氣。且又揚揚自得曰深沉。莫吾若也。往往見有果敢辦事。不畏強禦底人物。便指之爲浮躁。斥之罵之初。不知見義當爲。當仁不让。只見人有所作用。便非議了幾回。聊以示勇氣。此非所謂護己之所短也耶。

若夫勇敢深沉的人。則大異乎是。古來大政治家。大忠義家之所以建大功成大業。只在能龐贊。能深沉耳。閑居無事之時。沉默寡言。若無一事。然而對於世局之將來。人羣之幸福。常來往於腦中。無一刻忘之者。故雖無事。而時常磨勵以須。不耽於逸樂。不流於放蕩。常守此身。以待有用之日。此乃所謂深沉者也。至於有事之際。叱咤風雷。不誤時機。其於時之不可失。見義之勇。爲不啻以一身而任全局。殊無一點見難而退者。故雖遇變而常處之有餘。不至於失之恍惚。失之怯軟。而能擔當時局之艱。此乃所謂勇敢者也。藏之則深沉。用之則勇敢。此等人物。乃斯民之柱石。人羣之保障也。社會上若得此人。吾願爲之執鞭。